



Na osnovu člana 59. Zakona o lokalnoj samupravi („Službeni glasnik Republike Srpske“ br.97/16, 36/19 i 61/21) i člana 68. Statuta grada Gradiška („Službeni glasnik grada Gradiška“ br.04/19 i 05/19), Gradonačelnik raspisuje:

## **DIREKTNI POZIV ZA SUFINANSIRANJE PROJEKTA U JEDNOJ PARTNERSKOJ MJESNOJ ZAJEDNICI (Senjak, Laminci Brezici, Turjak, Romanovci i Seferovci) U OKVIRU DRUGE FAZE PROJEKTA „JAČANJE ULOGE MJESNIH ZAJEDNICA U BOSNI I HERCEGOVINI“**

### **Uvodne informacije**

Direktni poziv za podnošenje prijedloga projekata partnerskih mjesnih zajednica u okviru nagradnog fonda je jedna od aktivnosti druge faze projekta „Jačanje uloge mjesnih zajednica u Bosni i Hercegovini“ (MZ projekat) kojeg provodi Razvojni program Ujedinjenih naroda (UNDP), a finansiraju Vlada Švicarske i Švedska.

Cilj projekta, čija druga faza traje od 2020-2024. godine, je podrška realizaciji jednog prijedloga projekta u jednoj od 5 partnerskih mjesnih zajednica i to:

1. MZ Senjak,
2. MZ Laminci Brezici,
3. MZ Turjak,
4. MZ Romanovci i
5. MZ Seferovic.

Projekti s kojima se može aplicirati su isključivo prioritetni projekti identifikovani putem organizovanih foruma građanki i građana u partnerskoj MZ, odnosno MZ koja učestvuje u implementaciji MZ projekta koji implementira UNDP.

U skladu sa tim, Direktni poziv ima za cilj posticanje aktivnog uključivanja građanki i građana u definisanje njihovih potreba koje se transformišu u projekte za unapređenje lokalnih zajednica.

Grad Gradiška i MZ Projekat će dodijeliti finansijska sredstva za jedan projekat u jednoj MZ, a koji bude prvorangirani u skladu sa zadanim kriterijima i koji se uklapa u raspoloživa sredstva namijenjena za svaku partnersku JLS.

### **Gdje i kako preuzeti i poslati aplikaciju**

Projektna dokumentacija po ovom **Pozivu se može preuzeti od 12.05.2023.godine**. Sve informacije i elektronska verzija cijelog paketa prijavnice dokumentacije može se naći na sljedećoj web adresi: [www.gradgradiska.com](http://www.gradgradiska.com)

### **Način prijave**

Ispunjeni set dokumenata za projekat sa svom zahtijevanom dokumentacijom se dostavlja u jednom primjerku u štampanom obliku i jednoj elektronskoj kopiji (USB), tokom radnih dana (ponedjeljak – petak), u periodu od 08:00 do 15:00 sati, u zatvorenoj koverti sa naznakom:

**„Aplikacija za direktni poziv za mjesne zajednice u okviru projekta „Jačanje uloge mjesnih zajednica u Bosni i Hercegovini“,  
Vidovdanska 1a, 78400 Gradiška,  
Gradska uprava grada Gradiška, u kancelariju 7 na protokol**

**Rok za predaju projekata je 02.06.2023. godine do 15:00 sati.**

Aplikacije koje budu pristigle poslije navedenog roka neće biti razmatrane. Sve aplikacije moraju biti fizički dostavljene na navedenu adresu prije isteka zvaničnog roka s jasno istaknutim datumom dostavljanja.

Projektни prijedlog sa pratećom dokumentacijom poslan na bilo koji drugi način (npr. faksom ili e-mailom) ili dostavljeni na druge adrese neće biti uzete u razmatranje.

Za dodatne informacije možete kontaktirati:

- Grad Gradiška, kontakt osoba:
- Verica Vujat: e-mail: [verica.vujat@gradgradiska.com](mailto:verica.vujat@gradgradiska.com)  
(tel: 051 810-335);

Broj: 02.03-022-94/23

Datum: 12.05.2023. godine

